

海陽縣志卷二十一

建置略五

隄防

北門隄起城北竹篙山至鳳城驛止相距三里計長六百九十四

丈以禦韓江上游之水自唐至宋元世有修築陳珏修隄策謂隄築自唐韓公又宋

林嶠浚湖有爰築修隄盡護西塘之逮明永樂隄潰知府雷春築銘元趙良塘修隄以衛田廬見張志

之成化年開潰決無常御史曾昂復檄修築發蠹民罰鍰二千功

始就宏治八九等年隄決知府周鵬發丁夫數千築之見林熙春重修東津

沙衙同知車份知縣金謚邑人尙書盛端明佐修

國朝康熙四十年六月隄裂大巷口四十餘丈巡道孫明忠知府

海陽縣志卷二十一 建置略五

梁文煊知縣呂士駿總兵薛受益邑紳楊儒經修築陳珏上當事

潮郡城勢處下流由閩汀江右及本省梅州以上眾水會同俱取道於韓江入海每至春夏雨潦又有諸山坑水奔注至江以助其

狂瀾泛濫橫決往往為患則海潮揭善四縣接壤皆賴北門一隄堵禦之力實奕禩漢民命攸關非止一日也自唐韓文公築隄而後

至明成化年間潰決無常貽害甚烈歷任守令及鄉之先達併力砌堞而正德中郡人御史楊璵疏請權金重修增拓加倍而隄始

完因闕百餘年日久剝蝕是歲自春徂夏淋雨浸淫波臣鼓浪海陽所屬隄崩數十處田廬漂没人畜飢溺死不可勝數北門長隄

驟裂數十丈人心惶惶奔投無路賴當事協同帥府捐俸鳩金躬率兵民日夜捍禦卒幸無恙億萬生靈皆荷再造之恩無不驩呼

謳頌但今水患雖息隄已受創目前猶可苟安將來秋霖漲溢勢又岌岌難支或天之未忍盡魚潮民者蓋有待於執事之成功久

遠也為今之計若循前御史楊公舊例取資鹽餉有礙公帑似不可行議就紳衿商民隨力捐助錢自萬千至百十皆註簿投櫃積

為木石灰土之費再就各屬水患必至之處令照家甲均出工力赴役此皆人人自為度未有不踴躍聽從也工費既備仍委公正

能員同紳士里老分服督理庶幾隄岸堅牢永無潰決之患則執事安瀾之偉烈直與禹功並遠矣至於別有設處善法又在執事

之酌行非愚見所能及也未
雨細繆惟執事勉從事焉

五十七年六月隄潰龍母廟巡道

仕琳知府張自謙同知汪泰來知縣金以竣運石填築越八月
風又潰三十餘丈重塞之踰年乃竣五十九年又潰五十餘丈通
判吳安泰知縣顏敏揭陽知縣孫公瑜同修並建磯頭邑之西廂
北廂歸仁大和揭陽之桃山梅岡地美七都民皆運土填築田廬
賴之乾隆十一年請帑改築灰隄自竹篙山腳起至鳳城驛署止
高厚一式北隄乃稍臻完固道光十三年白沙宮前陷知縣韓鳳
修督民填塞二十二年隄外之宰牛洲被決隄幾潰知府覺羅祿
知縣史樸率民修護得免咸豐三年知府吳均捐廉三千金修之
增廣隄身築灰籬以順水勢該處舊稱灣隄今稱為吳公隄同治三年知縣施紹

海陽縣志 卷二十一 建置略五

文諭邑紳邱步瓊等再修十年水幾沒隄知府段錫琳知縣錢誦
清督民急築子隄堵禦十一年諭紳耆邱際春卓利權陳世盛等
督修隄面填高數尺隄身舂龍骨內附灰籬並建磯頭二處需費
至萬金均派海揭七都田畝光緒八年隄內各處穿洩總兵方耀
會同知府劉漣年知縣樊希元撥款並派田畝命營官邱華山方
國光暨紳士陳廣澤余鼐光等於舊雨亭三寮茅巷鱷渡頭白沙
宮龍母廟等處共築灰籬七段每段長四十餘丈深三丈餘並采
石填補磯頭十年工竣十一年八月新雨亭隄大穿洩水從田面
湧出知府朱丙壽知縣溫樹芬諭紳士楊淞等派修隄內穿洩處
圍築土堆以斷水去路前修隄外皆不效故由隄內修之十二年仍穿洩十三

四等年穿洩尤甚隄面裂十餘丈紳董陳錫祺以前所築土堆皆在泥淤之地尚未妥協乃擇堅實處另行填土釘椿固以灰籬十五年築成四十餘丈穿洩乃止二十年隄廠後及林厝路頭穿洩如法再修二十六年六月意溪渡頭坍塌卸二十餘丈隄面僅賸二尺開裂穿洩凡數處知縣劉興東率紳董陳錫祺督民搶修得不潰既以隄身大傷再籌興築詳請兩院發帑三千兩復諭總理紳士李芳蘭王延康陳錫祺協同四都紳士蘇兆龍陳廉翁蘭廖煥奎按田釀金合揭邑三都捐助共得銀一萬四千餘兩修復舊基增築外灰籬三處共七十餘丈內土堆灰籬四處共八十餘丈九月興工越明年三月工竣

附北隄歲修記略海陽縣東南西北沿河三面隄工向原酌撥歲修在關稅生息

海陽縣志

卷二十一

建置略五

三

項下動支乾隆十六年停止僅存北門外土名崩隄隙魚池一口官租銀一十二兩乾隆二十四年冬大司馬制府李公侍堯臨潮郡簡閱營伍據耆民盧思輯等公籲行轅請將北濠官租銀八十兩遞年積貯縣庫以備隄工歲修之用從之據周志采訪而修

南門隄起南門城角頭歷南廂登雲登隆隆津南桂東莆上莆龍

溪周志兼載大和共九都至庵埠許隴涵澄海界止計長八千四百五十一

丈袤七十餘里以障韓江西溪之水宋寶慶間知縣王衡翁修南

桂隄元至治間主簿張明德修梅溪隄明正德間邑人御史楊璵

疏請椎金修築甃以石增拓加倍疏見本傳嘉靖間邑紳薛侃言於知

府王袍復修之薛侃有記見張志縣丞葉文鼎又督修南桂橫砂隄

國朝順治初海寇黃海如破橫砂隄抄略十年叛鎮郝尙久鑿斷

南門隄身以通濠旋被大水衝決數十丈田廬漂沒越明年道府

檄海揭二縣督民協修絕水不與濠通然西南良田數百頃鹹氣無由宣洩而田荒矣康熙三年嚴海禁遷民內地南桂以下隄斥界外遇洪水冲決尤甚上蒲南桂龍溪等都田地盡遭淹沒八年展界鄉老許重晦生員盧繼尙林振秀集數都民力始行修築十二年守道江德中邑紳梁應龍陳衍虞林世榕會議發砌南門隄涵納韓江水通三利溪一如古制餘詳南涵五十七年六月南廂隄潰知縣金以竣督民修復乾隆十一年動帑修築南關至龍湖市灰隄一千零四丈五尺庵埠許隴涵灰隄一千一百零四丈五尺二十年知縣黨維世修築閣洲鄉新安寨上帝宮宮子場亭兜鄉灰隄八百四十丈二十一年知府周碩勳檄知縣金紳勸民捐修灰隄五千三百零七丈九尺金紳自捐修一百五十八丈其雲步以下俱貢生張廷捷捐修三十年南桂鯤江隄潰知縣蔣耀宗諭紳士郭珏率鄉民協築並建磯頭以殺水勢五十九年又潰巡道莊肇奎知府韓義分司金之昂修築嘉慶二十年六月南廂孝子墳前隄潰十餘丈道光十三年六月聖者亭前隄潰二百餘丈十七年六月水斷鯉魚臍橫冲聖者亭前隄潰三百餘丈同日登隆客子寮隄潰二百餘丈二十一年七月登隆隄又潰俱官倡修二十三年七月孝子墳了哥宮前後隄潰四百餘丈官民協修三年工始竣咸豐三年登隆潘劉隄潰一百九十六丈附近隄防胥潰州南變爲澤國四年三月復潰耕農失業吳忠恕因之作亂事

平屢築屢圯六年五月河水陡漲又冲決二百餘丈護隄磯頭七處一併坍塌被水患者數百鄉有否修潘劉知縣汪政乃籌議興修遴派紳士邱步瓊朱以鑑吳學茂蔡毓英陳上林林賢記劉神奇劉文高等為董理而自詣隄上督催自十月興工至七年初春正在架梁添椿籌辦合龍之事乃連日大雨河水驟漲兩次合龍皆不就遲至五月龍口方合又閱兩月成新隄二百一十三丈新舊隄交接處添築大磯頭一座新隄合口處添築海泥磯頭一座其餘坍塌皆修復用銀共二萬六千八百兩汪政重修潘劉涵隄碑記歐陽公作唐書地理志凡一渠之開一堰之立莫不詳於其縣之下誠以國家賦稅所關民生休戚所繫莫急於此顧言水利者若不修設隄防則稅所關民生休戚所繫莫急於此顧言水利者若不修設隄防則禍未成而害已至其示後人之意深矣潮河自嘉應汀贛三路建輒而來至大埔三河壩合而為一奔騰澎湃以達於韓江有沛然海陽縣志卷二十一建置略五

莫禦之勢所以保障田廬者惟諸隄是賴而潘劉涵隄尤當衝要舊由民間派費歲修補其罅漏相沿日久工既惰而費亦漸難咸豐三年此隄為水所決屢修屢潰徒費不貲至六年之五月河流漲發橫決二百餘丈隄內數百鄉胥成巨浸田園家室荒廢流離慘目傷心於斯極矣余承乏是邦與郡人士熟籌修築皆以艱於經費為慮余謂隄不修水患不止民窮盜起為害滋甚諸君又甯能安枕耶時值觀察趙公臨蒞斯土訪詢諸利弊事次第興舉首以隄工為急於是道府而下爰及同官莫不捐俸以為之倡然後勸捐於合邑之殷富以集其貲又慮夫偷工減料修而不復是委金橐於洪波棄憲恩於草莽也余乃親臨隄上偕同今藩參軍前少尉陳君子厚暨查君子南劉君益堂等朝夕監視督工董事紳衿各勤其職先於上游鯉魚臍築欄水壩以緩其勢又於下游挑開引河以通其流乃於決口之處下榷填土取木之工取土之工取海泥蛸灰之工版築者挑運者莫不咸集而以工代賑之意寓焉計興工於六年之十月合龍於次年之五月加高培厚又兩閱月成新隄二百一十三丈高二丈八尺地腳寬三丈六七尺至四丈四五尺不等頂面寬一丈四五尺至二丈二三尺不等新舊隄交接處新建灰石磯頭一座寬十五丈三尺兩畔灰籬斜出南北各長廿丈合龍處新建海泥磯頭一座寬十四丈兩畔斜出長均十丈全隄灰籬五壩巍然屹然為中流砥柱矣是役也用工料銀

二萬五千三百餘兩錢三千二百四十餘千捐助
各官紳姓氏開列于後以誌共濟艱難之意云
八年登隆隄裂

旋行填築十年橫砂隄潰鄉民派修同治三年七月東鳳隄潰八

十餘丈客子寮隄潰一百餘丈又數日下寺隄潰二十餘丈知縣

施紹文諭紳士郭廷集修十年六月龍湖隄潰一百四十丈同時

橫砂隄潰四十丈閣洲隄潰四十丈知縣錢誦清諭紳士郭廷集

等率民籌修光緒六年五月龍湖市頭隄潰七十五丈知縣樊希

元再諭郭廷集董修郡人巡撫丁日昌助金五百十二年紳士郭

廷集吳祥光等稟請巡道益齡總兵戴朝佐知府朱丙壽出示派

捐巨款將通隄八千四百五十一丈一律大修七都通力合作增

高培厚外附灰籬中軍遊擊方鰲總其役南隄碑記距郡北二百

海陽縣志 卷二十一 建置略五

六

餘里曰三河其上通汀江迤東閩漳平和諸水入焉迤西至蓬萊

歷韓城蜿蜒入海而郡南七都當其衝七都者曰登雲曰登隆曰

隆津曰東莆上莆曰南桂龍溪村落數百田園廬墓以萬計隄環

其外若帶然是曰南隄自咸同以來屢決屢修光緒十一年乙酉

秋潦成漲河以東隄多潰南隄岌岌幸而卽安時丙壽待罪茲土

軍門方公耀適以清釐惠屬盜課紆道鄉邦會前觀察益公齡前

而告之曰南隄倖全不可恃也隄薄且卑當上流建瓴之勢如以

而圖之生事蕩然滋興大役民將重困此甚非策也環七都之隄

萬一有二三十餘丈若增高培厚使隄力寬然有餘足殺水怒目前

誠勞且費然守土者無所辭其責抑若計與歲修孰利焉則僉
曰善善爰據大吏據以入告既報可適以游戎方公鰲總其事郭紳
廷集董之越在元月土膏墳興選吏庀徒百堵皆作畚築欲密堵
堤拓而廣之二丈有差崇之數視厚十之一舊隄磯十餘段斂者
以次完繕復程量要害增置十區又於七都適中地曰客子寮建
書院一益益公名曰正誼防秋集議於是乎期會暇則七都子弟絃
誦其中其以充公沙田三百餘畝爲膏火貲則軍門意也計所需

費凡欲派者十六萬七千九百有奇官倡捐紳商民以次捐者三萬三千五百有奇撥給海防經費暨奉發公款共一萬三千有奇餘七都貧民準出役之例受役而無值者所當費幾入萬勞而不擾費而不濫在易曰永終知微其於茲義有取歟頻年齊豫河患近鄭州口決漫衍及洪澤湖聖主勤民議修議賑有司奉宣德意方汲汲如不及而茲隄適成此七都民之幸官斯土者之幸也惟念經營甫半益公奉檄糧儲郭紳則受事以來寒暑淹留履勘鉤稽辛勞丕著顧皆先後捐館舍猥以菲材始終茲役將慚且懼之不暇而又何幸焉徒以與一日之勞且陳情得請旦暮治裝不可無文以紀之故次其功口以用遠邇基址為後之守土者告

十三年築成十四年新灰離脫卸六百餘丈紳士郭兆熊吳祥光

陳儀黃希堯等再請捐修十五年至二十年連年脫卸俱修復新

連年脫卸由民二十一年孝子墳前後隄段脫卸三處共四十餘

丈南隄除光緒十二年通力合作外俱由各都按段認修攷知府方功惠分各都隄段界址碑自南門涵至安南廟係南廂隄界

自安南廟至田頭鄉何係登雲都隄界自田頭鄉何至三英鄉蓮房潭係登隆都隄界自蓮房潭至大巷鄉下關爺宮仔係隆津都

隄界自關爺宮仔至博士林係東莆都隄界自博士林至鰲頭鄉係上莆都隄界自鰲頭鄉至梅溪係南桂都隄界自梅溪至庵埠

長隄橋溢界接壤該處地瘠田少攤派維艱二十三年局紳戴清

源等稟請將官運局候補知府周福昌捐發郡局以為善舉銀三

千兩撥出六百兩修之同上

東廂上游隄在縣東蔡家圍自虎豹陂起至韓山麓止為一二鋪

相距七里計長一千三百零七丈以衛意溪東津河內等鄉田廬

明萬曆二十八年東津沙衙隄潰推官姚嘉會以帑金修治然屢

築屢潰四十一年復圯四十三年知縣沈鳳超重修增廣隄身三

月工竣明林熙春重修東津沙衙隄記略潮本澤國蓋合贛循梅汀漳五郡之水注之韓江千里建飯萬派歸壑而龜湖鳳

溪以下勢轉而東東津正其要害處也東津沙衙隄庚子以來已

三潰矣庚子之潰賴直指李公用薛孝廉采議發帑金八百與司

海陽縣志

卷二十一

建置略五

理姚公拮据修治仍自虎豹破培土增磯以逮於此不可謂不計
久遠奈旁多流沙水且易齧王子圯甫塞癸丑復圯東廂秋溪龍
眼城蘇灣諸都丞沒殆盡時直指周公公正代狩入潮士民許紹等
合詞以疾苦請周公穆然咨嗟遂捐百金為幟因饑未舉越歲而
觀察陳公首重民瘼捐亦稱是太守陸公復捐溢其半蓋所謂同
心出治者而令尹沈公甫下車輒毅然補苴謂此地善圯非中砌
地龍無以杜滲泄非外培荒石無以禦衝激非上流加石磯無以
障狂瀾議上諸大吏悉報可遂命主簿黃君大德集耆義廖一潛
等戴星敦督而沈公亦不妨邑務出郊稽勤惰而覈工程以故子
來荷鍾不戒雲集始事於乙卯正月抵三月而工竣計隄互若干
丈崇二丈有奇址六丈面網址之二諸所經畫具如令公議一勞
永逸捐金猶然有羨夫詎非不朽之功也與哉余惟潮地濱江賴
隄以固利害眉睫存亡呼吸非若民隱之難知也前此不戒視為
故常每每待其破敗而後圖之姑念其遠且細者第論其近且鉅
者宏治之役太守周公鵬築北隄發丁夫數千閱六月而始就成
化之役御史曾公昂復檄築北隄發蠹民二千金而始就正德之
役余鄉人御史楊公璵疏修南隄請鹽利三千金而始就萬曆許
壟隄之役余先文林白觀察任公可容斂民間千餘金而始就凡
此皆揀之於事後孰與乎豫之事前之為愈也沙衙之役幸已底
績費逾百金工僅三月似為易易第春秋書水書饑不一而足而

海陽縣志

卷二十一

建置略五



時當民窮四都繫命一勞永逸飢溺可免是又安可以無書周公
諱應期楚人陳公諱一教吳人陸公諱典沈公諱鳳超俱浙人並
以進士起家

國朝順治年閔屢潰邑人總兵蔡元修築康熙三年一鋪雙石碑
隄潰邑人參政薛聯桂捐修並議將一二鋪隄面鋪租作歲修之

費楊鍾岳裴郡侯詳復官隄功德碑記東廂長隄官隄也歷古今
來從無有敢霸占者先達都院周公光錫侍郎林公熙春方伯

黃公琮三碑記詳矣即鄉之搢紳如罔鄉梁公應龍參政薛公聯

桂以逮會魁梁君猶龍皆有功於隄亦未嘗有過而問及片土者

自戊子變亂揭竿之徒營窟東廂官隄被占遂并隄上歷年藉以

修隄之鋪租而鯨吞之以故修砌無資五次崩潰溺死居民數千

漂沒田廬百萬每一追念涕之不禁泔泔下也前康熙十八年通
都士民泣訴公庭郡侯林公經詳列憲援杖流追贖業有案卷然
百足猶僵尙未盡一也今年春幸裴公祖以旬注之獄神為義安
之福曜刺潮數月政和民安業已歌聲洋溢矣乃軫念民困實心
興草於四月內奉吳制臺憲檄查勘東廂官隄公不憚勞瘁皆同
邑侯金公路勘兩次親行文丈量詢之耆老輿論不禁慙然曰傷哉

此都之人不見青天霽日者四十年矣豺狼當道安問狐狸是余之責也夫是余之責也夫遂詳其顛末籌其利弊上督撫監司俱咸報可一時窮蹙僻壤之民間之驚喜相告謂平日願緩須臾無死以觀德化之成豈意得此於使君哉於是通都士民爭醵金鑄石以銘功德於不朽孝廉梁君夢劍明經薛君國瑞則生長斯土宗族廬墓在焉率通都乞言於余余卜里營建憂樂關切義不敢以不文辭而因之有所感矣從來非常之事必賴非常之人爲之是役也前此金撫臺則有杖流之檄矣李撫臺則有追贓之令矣歷仇尙陳二道憲屢經究擬罪人未獲公更以數月內定之鋤數十年之弁奸拯數萬民之沉溺功在一時澤及萬世此非其仁心勇力有大過人者固未易言也以東廂之無溺推而天下之無溺因以東廂之無飢推而天下之無飢他日上其功於天子曰此眞宰相之器也

僅東廂云乎哉

康熙四十年下柵隄決三十餘丈五十七年沙衙

隄決二十餘丈皆鄉人協築官爲督工焉雍正元年虎豹陂隄潰三百餘丈巡道姚仕林知府張自謙知縣蔡遴元修築委產溪驛丞于璜督工乾隆八年知府朱介圭動帑築灰隄九百七十八丈

海陽縣志

卷二十一

建置略五

九

十九年巡道金烈捐築灰隄三百二十九丈舊有灰石磯頭一十九座二十一年知縣金紳倡修完固咸豐三年六月東津廖厝磯頭隄決五十餘丈意溪象埠隄亦決知府吳均知縣帖臨藻諭鄉紳鍾英才派田修築同治三年七月東津隄決五十餘丈官諭矜耆協修是月意溪象埠隄復決官又率民修之十年六月意溪豬肚嶺邊隄決東津雙石碑隄又決七十餘丈知縣錢誦清諭紳耆鍾英華張人慶等照章修築光緒十一年八月大水傷隄知府朱丙壽知縣溫樹棻諭紳耆張人慶鍾倬芳派修同上東廂下游隄在縣東南亦名三鋪隄西畔自涸溪塔後起至水南隄鯉魚溝與饒平交界止計長三千零八十三丈

檔冊載長三千一百七十三丈

東畔自涸溪塔東邊起至秋溪都四方隄止計長一千六百零三丈檣冊載至岡湖山脚止以衛仙田十三鄉溪口金鰲秋溪賜山水南等處田廬明嘉靖中潰縣丞葉文鼎督春龍骨一百四十丈以資捍禦萬曆崇禎閒知府郭子章知縣沈鳳超復修邑人布政使黃琮繼修鄉人祠祀之

國朝雍正二年大馬頭隄潰三百餘丈巡道方願瑛知府李濂知

縣張士連總兵尙灤捐俸蠶石春灰填築雍正六年知府胡恂知

縣張士連捐築灰隄五十餘丈復捐石砌三鋪磯頭張士連築隄記詳江東隄

道光四年五月竹蛸隄潰百餘丈附近仙埠鄉田決浚成潭福聚

鄉田盡爲沙壓災延海澄饒二縣地六年六月竹蛸隄復潰百餘

海陽縣志 卷二十一 建置略五

丈十三年五月又潰數百丈爲害較前尤甚十七年上深河隄潰

田廬悉被傾壓二十一年七月涵井鳳尾隄同日潰百餘丈二十

三年七月涸溪隄潰百餘丈知縣史樸諭紳士郭名標等率鄉民

協築咸豐三年六月闊口隄潰百餘丈知府吳均知縣帖臨藻諭

修同治十年六月大雨丁厝洲隄潰百餘丈同日塔後隄潰數十

丈竹崎頭隄潰百餘丈俱知縣錢誦清諭紳士派修光緒十九年

三鋪隄陷二十六年竹崎頭隄潰先後俱就田畝灘派修復同上

江東隄在郡東南當河之中自水頭宮折東轉而南至急水門西

岸又歷寨口村抵蓬洞宮至水口又自水頭宮折正南又折東至

水口與蓬洞宮相值周圍計長共六千零二十七丈宋紹興年閒

世令趙師睿築明正德中潰知府王源修築

國朝雍正二年西隴隄潰五百餘丈巡道方願瑛知府李濂同知

傅楷知縣張士連總兵尚灤贛山石運海蛸置陶燒灰派丁夫運

土填築告竣四年知府胡恂知縣張士連又增築共灰隄四百六

十一丈張士連修築江東東廂隄碑記江東東廂二隄延袤廣遠

雍正四年幸逢道憲方公蒞任方新留心興革審知江東東廂之

隄為患最劇修築未可或緩爰率屬躬履其地相形度勢孰當廣

崇孰當外網一一指授機宜設法建修而復白之撫憲楊公酌撥

公需以為補助遂端委防憲傅公總理其成而命海陽知縣張士

連督修唯謹維時府憲李公鎮憲尚公分司俞公別駕吳公俱各

同心籌畫捐金勸事議就其地築灰牆以杜滲泄砌石磯以障狂

瀾檄令本府司獄司黃顯榮海陽縣典史周鼎潮陽縣吉安司姚

錫榮鎮平縣典史張寶海陽縣潘田司宋肇炯延集本都舉人蔡

和貴黃日高貢生黃應銓監生莊冊家黃捷成謝垂壁劉廣丁日

昇丁逢煥丁宗會陳引生員黃文河劉卓論莊霞彩丁宗渭丁之

匠出之官捐運土人工出之通鄉田地派撥蠲吉於丙午年十一

月二十一日興工越丁未年閏三月二十一日工竣計江東隄自

沖頭至溝尾等處互一千零九丈五尺崇八尺或二丈有奇自

洋潑沿至葛尾渡等處互三百二十丈零八尺崇二丈或七尺有

奇費金一千一百九十九兩給米五十五石二斗八升動用人夫

共十萬有零東廂三鋪隄自涸溪至南窰等處互一百五十五丈

修補一帶舊隄二千三百餘丈崇或三五尺至一丈不等費金五

海陽縣志

卷二十一

建置略五

愈鄉民丁榮也等為身長量能授任各董其事所需茆樁灰石工
至春五閱月而長虹屹然綿互相接堵安流而歌樂利
者遍鄉井也予不樂藉手以告成功哉乃誌諸石云
乾隆二十

一二十二年知縣金紳勸民修築灰隄五千五百三十九丈七

尺張志江東東畔隄自水頭起至塔子止長二千二百五十七丈共計長六千

零二十七丈又查檔冊載江東隄自宮仔場起至下其西隴險要

處添築磯頭一座

海陽紳士公勒創築江東都石磯碑隄以障水而磯以衛隄隄無磯猶無隄也故興水利者必

隄與磯愈舉而功乃成吾邑江東都膏腴萬畝雜以園廛漆林廬舍鱗次雞犬相聞而環之以水顧韓江之水從汀贛而下奔騰肆

注勢如建瓴江東一都當其下游稍疏防禦民且為魚蓋此都之恃隄以為利也久矣先是都築沙隄六千丈有奇有磯四邑侯金

公下車後嘗於此周覽傍徨恐前人之績不足以垂久遠也又慮殺其勢者之未為扼要也乃就沙隄而築以蜃灰膠固如積鐵其

磯之舊者既補苴罅漏咸使增新復於西隴處別建一磯糜俸五百金鳩工閱半載始告竣夫江東處韓江下游為要衝而西隴又

居江東之上游稱首險非侯之仁溥而智深曷克臻此今磯與隄之築也已三年矣有利無害民用又康敢不紀實以垂永遠歟爰

勒文於石而并繫以辭其辭曰浩浩兮乘風挾岡象兮嚙江東江東人兮恍惕待吾侯兮來戢岸蜿蜒兮迴波石礪礪兮陂陀支

祁退兮田祖歌騰無龜龜兮其稼維多粒我兮宅我閉柴荆兮靜以妥隄不圯兮磯不沈侯之澤兮徧江潯續禹績兮南服保桑田

今古道光二十一年七月久雨隄潰二十二年六月亭兜隄潰一

百餘丈知府王燕堂諭民運灰泥修築咸豐十年六月柚園隄潰

海陽縣志

卷二十一

建置略五

三

同治三年七月大雨秋漲隄決十餘處柚園隄潰水頭西隴隄潰

八十餘丈官紳勸捐並檄都民派工役修築運石建磯同治十年

六月隄決二十一處紳士黃渭澄等科派督築完固並修舊隄七

處光緒六年五月又潰十四年三月亭兜隄潰四十餘丈知府方

功惠知縣盧蔚猷諭修築十八二十等年屢潰二十一年知縣杜

友白諭江東下都紳耆等合員山井美龍口蓬洞洪砂寮前溪余

厝洲謝渡渡頭各鄉按田攤派將南面前舊土隄培築高厚計東

自蓬洞鄉南橫互至西渡頭鄉前共土隄千餘丈二十二年余厝

洲隄潰杜友白再諭紳耆即時築復二十三年又諭將下都各處

隄段概行修築二十六年六月上下江東隄潰十餘處再修上

秋溪隄東歷南門溪尾尼姑渡東安等處西歷柳厝池蘇寨潭頭等處計長共五千零零三丈

國朝康熙三十三年隄潰雍正元年七月拜頭隄潰五年知縣張士連捐俸增修其南畔四方隄直接白水湖與饒平交界長二千三百五十七丈六年饒紳陳廷光捐築灰隄其北畔自龍舌山腳起至古美隄亦與饒平接壤長二千六百四十七丈乾隆二十二年知縣金紳勸鄉民俱改築灰隄檔冊載秋溪南隄自四方隄起水湖至饒界樟山鄉止障北溪西岸之水以衛溪南饒邑隆都等鄉田廬北隄自龍舌山腳起歷上下溪邊石區頭溪尾小溪至饒界下寨鄉止障北溪東岸之水以道光十三年六月隄潰知縣韓鳳修倡捐修復二十一年隄潰虎撥潭等處官檄鄉民派貲修築

海陽縣志 卷二十一 建置略五 十三

同治三年七月隄潰十年復潰俱紳民捐修光緒六年五月水長隄陷蘇寨等處田園淹沒官諭紳民修築十一年八月烏乃籐隄潰修復三十年五月社甲隄潰三十餘丈淹及饒界隆都田廬巡道曾紀渠籌借公款一千五百兩搶築仍就秋溪之鶴塘蘇寨奕東山等鄉接田派修二十六年六月蘇寨筆浦隄俱潰再修同

水南鯉魚溝隄在石碑腳饒平界計長共三千一百七十三丈國朝康熙三十三年潰三十六年復潰雍正八年巡道劉運鮒知

府胡恂知縣張士連奉檄修築費銀三千一百八十餘兩委縣丞竇鏞同紳士陳學典陳士騰等督工各藝以石立石墩四為闌板

三合鄉民司啟閉以備蓄洩胡恂重建鯉魚溝隄記海陽鯉魚溝古有隄一方民命式憑之潰於康熙

丁丑延今三十有五載東廂秋溪水南之閒田窪草宅傷心難問
余下車諮謀倦倦在胸而力未能猝致雍正正戊申紳士陳學典等
僉詞請於前觀察樓公許為設法修築未幾陞省臬去觀察劉公
與院司列憲復銳意興斯役余固不辭駑鈍以襄茲大役同志海
陽合張君悉心經理佐余籌畫於雍正八年仲冬二十有八日至
明年春三月四日功訖純砌以石溝口長十五丈有奇釘椿排木
擊石入地五尺上高一丈二尺立橋墩四為門三板開蓄洩橋長
六丈五尺翼以灰牆為扶闌中廣一丈四尺隄旁建屋三間以居
司開鄉民陳希被李斯雄俾謹啟開歲給穀二十石贍勞為長久
慮復以地濱大河形如方舟周迴數十里包羅二十八鄉四面皆
水藉隄保護一隅冲決全隄俱廢先相度上流涸溪築石磯三座
以緩水勢修溪口鄉涵口二處遠河舊隄增高培廣靡不牢實計
費白金三千一百八十餘兩出罰鍰者千三百二十他惟公租且是
間不敷有借支藩庫耗羨千兩於新歲公租補還蓋前臬憲清釐
開元寺租以豪右侵肥奸僧呼盧買笑之餘資追出充公備地方
急用功甚偉也木石灰匠料價皆辦自官負士力役則依士民所
請計受害田畝出工以紳耆圩長董理之踴躍子來不百日而告
竣事保衛廬舍二十八鄉良田三萬餘畝易草莽而膏腴免蒼生
於魚鼈余心為一愉快焉是役也院司道憲有請必行藩憲力肩
於上俾得藉公租支庫帑如取之宮中以成茲不朽之業為地方

海陽縣志

卷二十一

建置略五

十四

永賴諸上臺寶嘉惠之而非海陽令張君共殫心血夙夜勤勞余
亦安能以一手一足之力奏厥成功哉委督工役海陽縣丞黨璐
邑紳士陳學典陸長洲陳士騰圩長陳元標元拔李家鎮翁宗瑜
丁天章等皆奔走勞勩並書刻石後之君子當有念我民瘼慨然
而興者修補以時勿替引之 乾隆八年知府朱介圭動帑築灰隄一千七百八

十三丈二十一年知縣金紳勸民築灰隄一千零七十二丈自捐

築灰隄三百一十八丈新增小石磯頭一座道光十三年吉水上

流隄潰自吉水山起至饒砂鄉翁姓灰路頭止為上流計長三百四十四丈零九丈四尺長賜山內坑饒砂古隄山尾後洋等鄉隄段相繼

隄止為下流計長賜山內坑饒砂古隄山尾後洋等鄉隄段相繼

潰水南秋溪田禾盡沒知縣韓鳳修倡紳陳先達等修復韓鳳修

溝隄記潮郡多膏腴類海窪下水澤所鍾在在恃長隄以資堵蔽附郭有鯉魚溝古隄互其上善築以麗之石門以鍵之數百里

江流之保障二十八鄉田里之藩垣濬濶濬上流隄漲隄朽壞不足禦衆燕之於茲適隄紀念斯民破

災修築難緩輒捐俸爲士民先好義者勸募之派畝者差次之遂得勘量尋丈核計財費舉邑中廉謹者陳子先達董其役而以縣尉徐君楷監其成工畢計費白金二千有奇始於十三年仲冬至甲子葭月而竣十七年虎子檻隄等處

穿洩知縣張熙宇捐廉倡築灰籬龍骨共一百九十五丈張熙宇修鯉魚

溝隄記略余丁酉孟夏調宰是邑六月月閒大雨連綿洪潦陡漲所

有近關之虎子檻隄綠泥隄未固紛紛穿洩乃捐廉爲士民倡首勸募次派畝勘丈計工樽節經費舉鄉人陳子先達董其事計築復灰籬龍骨共一百九十五丈費工料銀二千四百餘元工興於

十七年季秋至戊戌閏四月而畢光緒十一年隄爲水傷紳士郭廷集協同水南

秋溪八鄉民吉水饒砂內坑賜山尾各照向章派田修築十八二十

一二十二等年復修同上

謹案各隄近二十年來惟秋溪江東東廂潰決殆修築完固

防患未然有以致之歟然河身日淺非歲加修理培厚增高

海陽縣志卷二十一 建置略五

五

仍難深恃是所望守土者之留意焉